

晃朗元來自家心月

贈蓬瀛散人

願賢增壽算家豪散入兒孫孝盡皆奸黠總超絕效龐公許氏  
全家頓悟同登彼岸長生路途清滑免角缺 往來遊戲看天  
花瑞雪金莖秀迥無枝節箇中悅是靈童應淨真樂無愁可解  
唯吟絳霄風月

贈趙八先生

馬風詞拜上眞甯趙八常清淨內容嬌點馬猿絕處無爲無作  
通玄達妙瓊漿得飲馨香味兼甘滑沒盈缺 自然神氣壯眠  
冰卧雪欺篋暑不拘時節這般悅自心知意解難言難說逍遙  
道藏輯要

洞玄金玉集

闡

胃集六

坦蕩清了洞天真月

贈扶風縣淡公

悟來降我相街前乞入靈龕地似癡如黠萬緣絕淨清中恣飲  
刀圭爛醉靈臺皎潔惺灑自然光滑本無缺 玉鑪金鼎內黃  
芽白雪真龍虎遠蟠關節姹嬰悅把貞籥頂戴衝開雲霧天無  
晝夜長顯一輪明月

贈眾道友

馬風重懇告諸公道友休迷假內容堪守要長久用真功全在  
清心淨意擒猿捉馬休令暫時遊走得無漏 氣精神會合丹  
砂結就無中相自然開口論無有這玄妙怡然解悟元來

卻是真師暗中傳授

翫丹砂

本名浣溪沙一讚師叔玉蟾普明澄寂和公真人辭世

撲住虛無撮住空豈分南北與西東丹砂只在笑談中性命不由天地管一聲珍重別山洞羽輪飈駕赴蓬宮

起慈悲

馬鉉常憑佛作爲無爲心內起慈悲尋聲救苦做行持一切女男如父母見他生死十分危須當立箇上天梯

立法梯

立箇上天真法梯無形無影亦無基一條捷徑入無爲自在逍遙真活計常清常淨樂希夷自然天地悉皆歸

道藏輯要

洞玄金玉集下

墨

胃集六川川八

贈于先生

性燭光輝晃玉壺心香馥郁裊金爐刀圭爛飲醉真如花萼樓前橫走馬華陰縣裏倒騎驢五陵年少捧神珠

贈郝先生

大悟浮生不戀家大乘體調不奢華大通玄妙不矜誇大德建修真活計大丹烹煉好生涯大功成就步烟霞

贈堂下道人

閒是閒非不可聽那堪日日自談論暗傷功行損氤氳舌是禍根牢鎖閉尋常省起禍之門自然性命得長存

自詠